



REPUBLIKA E SHQIPËRISË
KËSHILLI I LARTË I PROKURORISË

Nr. 186 / Prot.

Tiranë, më 26.01.2026

VENDIM

Nr. 16, datë 15.01.2026

**“PËR TRANSFERIMIN E PROKURORIT JONIDA ALLUSHI NË PROKURORINË
PRANË GJYKATËS SË SHKALLËS SË PARË TË JURIDIKSIONIT TË
PËRGJITHSHËM ELBASAN, NËPËRMJET PROCEDURËS SË LËVIZJES
PARALELE”**

Këshilli i Lartë i Prokurorisë, i përbërë nga:

1. Mirela BOGDANI	Kryetar
2. Erind GERMENJI	Zv/kryetar
3. Sokol STOJANI	Anëtar
4. Zeqir HODA	Anëtar
5. Arta MANDRO	Anëtar
6. Ledina RIZA	Anëtar
7. Moisi DUDA	Anëtar
8. Vatë STAKA	Anëtar
9. Olger EMINAJ	Anëtar
10. Erind MERKURI	Anëtar
11. Erion FEJZULLA	Anëtar

Në mbledhjen plenare të datës 15.01.2026, në përputhje me procedurën e përcaktuar në nenet 159-161, 164 dhe vijues të Ligjit nr. 115/2016, “Për organet e qeverisjes së sistemit të drejtësisë”, i ndryshuar dhe në nenet 18 dhe vijues, të Rregullores “Për organizimin dhe funksionimin e brendshëm të Këshillit të Lartë të Prokurorisë”, shqyrtoi çështjen me objekt:

**“Për transferimin e prokurorit Jonida Allushi në Prokurorinë pranë Gjykatës së
Shkallës së Parë të Juridiksionit të Përgjithshëm Elbasan, nëpërmjet procedurës së
lëvizjes paralele”**

KËSHILLI I LARTË I PROKURORISË:

Pasi mori në shqyrtim Relacionin shoqërues nr. 186 prot., datë 15.01.2026, të Komisionit të Zhvillimit të Karrierës, dëgjoji Relatorin znj. Ledina Riza, si dhe referuar bazës ligjore të lartpërmendur, përfshirë diskutimet në mbledhje mbi çështjen,

V Ë R E N:

1. Këshilli i Lartë i Prokurorisë (në vijim Këshilli) është institucioni që garanton pavarësinë, disiplinën, statusin dhe karrierën e prokurorëve në Republikën e Shqipërisë.
2. Me Vendimin nr. 27, datë 14.02.2025, *“Për shpalljen e 23 (njëzet e tre) vendeve vakante për procedurën e transferimit nëpërmjet lëvizjes paralele në prokuroritë pranë gjykatave të shkallës së parë të juridiksionit të përgjithshëm, si dhe shpalljen e 3 (tre) vendeve vakante nëpërmjet procedurës së ngritjes në detyrë në Prokurorinë pranë Gjykatës së Apelit të Juridiksionit të Përgjithshëm”*, ndër të tjera, Këshilli ka shpallur fillimin e procedurave për plotësimin e 23 (njëzet e tre) pozicioneve vakante nëpërmjet procedurës së lëvizjes paralele në prokuroritë pranë gjykatave të shkallës së parë të juridiksionit të përgjithshëm, ndër të cilat, edhe pozicioni nr. 5, në zyrën e Prokurorisë Elbasan.
3. Me Vendimin nr. 55, datë 27.03.2025, *“Për miratimin e listës së prokurorëve që kanë kandiduar nëpërmjet procedurës së lëvizjes paralele për vendet vakante në prokuroritë pranë gjykatave të shkallës së parë të juridiksionit të përgjithshëm, të shpallura me Vendimin nr. 27, datë 14.02.2025, të Këshillit”*, Këshilli ka miratuar listën e prokurorëve që kanë kandiduar për transferimin nëpërmjet procedurës së lëvizjes paralele, ndër të cilët edhe kandidatët për vendin vakant si më sipër.
4. Pas miratimit të listave të kandidatëve, me Vendimin nr. 56, datë 27.03.2025, *“Për caktimin e relatorit për procedurën e transferimit nëpërmjet lëvizjes paralele për kandidatët që kanë kandiduar për vendet vakante në prokuroritë pranë gjykatave të shkallës së parë të juridiksionit të përgjithshëm, të shpallura me Vendimin nr. 27, datë 14.02.2025, të Këshillit”*, Këshilli ka hedhur shortin si dhe ka caktuar relatorët për ndjekjen e secilës prej procedurave të lëvizjes paralele. Në përfundim të procedurave përkatëse ligjore ka rezultuar se, anëtarja e Komisionit të Zhvillimit të Karrierës (në vijim Komisioni), znj. Ledina Riza është Relatore për pozicionin vakant nr. 5, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan.
5. Me e-mailin datë 17.04.2025, të Relatores, të gjithë kandidatët janë njoftuar për caktimin e relatorit, për të drejtën për të kërkuar përjashtimin e tij apo të çdo anëtarit të Këshillit nëse ekziston një nga shkaqet e parashikuara në Ligjin nr. 115/2016, *“Për organet e qeverisjes së sistemit të drejtësisë”*, i ndryshuar ose për çdo shkak tjetër ligjor si dhe për fillimin e verifikimit të kushteve ligjore të kandidimit, nga ana e Këshillit. Nga kandidatët nuk është paraqitur asnjë kërkesë për përjashtimin e Relatorit apo anëtarit të Këshillit.
6. Me Vendimin nr. 91, datë 14.05.2025, *“Për verifikimin e plotësimit të kushteve ligjore të kandidatëve në procedurën e transferimit nëpërmjet lëvizjes paralele për vendet vakante në prokuroritë pranë gjykatave të shkallës së parë të juridiksionit të përgjithshëm, shpallur me Vendimin nr. 27, datë 14.02.2025, të Këshillit”*, pas verifikimit të kushteve ligjore të kandidimit, Këshilli ka vendosur miratimin e listës emërore të kandidatëve që kanë aplikuar në procedurën e transferimit nëpërmjet lëvizjes paralele, ndër të cilët, edhe kandidatët për pozicionin nr. 5, në Prokurorinë

pranë Gjykatës së Shkallës së Parë të Juridiksionit të Përgjithshëm Elbasan si dhe ndalimin e kandidatëve që nuk plotësojnë kushtet ligjore.

7. Kandidatët e kualifikuar që kanë kandiduar në këtë pozicion vakant kanë kaluar nga *faza e parë* që ka të bëjë me verifikimin e kushteve ligjore të kandidimit për në *fazën e dytë* të lëvizjes paralele, atë të renditjes së kandidatëve sipas kritereve të parashikuara në nenin 43, pikat 7-9, të Ligjit për Statusin dhe në nenet 9, pika 1, germa “b”, 17, pika 3 dhe 40, pika 1, të Vendimit nr. 261, datë 17.11.2020, “Për miratimin e Rregullores “Për transferimin e prokurorëve nëpërmjet procedurës së lëvizjes paralele”, e ndryshuar (në vijim, Rregullorja).
8. Rezulton se, me Vendimin nr. 126, datë 23.06.2025, “Për renditjen e kandidatëve të kualifikuar në procedurën e transferimit nëpërmjet lëvizjes paralele për pozicionin vakant nr. 4, në Prokurorinë pranë Gjykatës së Shkallës së Parë të Juridiksionit të Përgjithshëm Durrës, të shpallur me Vendimin nr. 27, datë 14.02.2025, të Këshillit” dhe me Vendimin nr. 128, datë 23.06.2025, “Për renditjen e kandidatëve të kualifikuar në procedurën e transferimit nëpërmjet lëvizjes paralele për pozicionin vakant nr. 5, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, të shpallur me Vendimin nr. 27, datë 14.02.2025, të Këshillit”, Këshilli ka renditur të parën këto pozicione vakante kandidaten Albjona Papajani.
9. Ndaj këtyre vendimeve nuk është bërë ankim gjyqësor sipas ligjit, për rrjedhojë, Këshilli vijoi me procedurën e transferimit të kësaj kandidateje sipas përzgjedhjes së saj, nëpërmjet procedurës së lëvizjes paralele. Me Vendimin nr. 160, datë 11.07.2025, “Për transferimin e prokurorit Albjona Papajani në Prokurorinë pranë Gjykatës së Shkallës së Parë të Juridiksionit të Përgjithshëm Durrës, nëpërmjet procedurës së lëvizjes paralele”, kandidatja Albjona Papajani është transferuar në Prokurorinë pranë Gjykatës së Shkallës së Parë të Juridiksionit të Përgjithshëm Durrës.
10. Për rrjedhojë, me Vendimin nr. 164, datë 11.07.2025, “Për ndryshimin e Vendimit nr. 128, datë 23.06.2025 “Për renditjen e kandidatëve të kualifikuar në procedurën e transferimit nëpërmjet lëvizjes paralele për pozicionin vakant nr. 5, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, të shpallur me Vendimin nr. 27, datë 14.02.2025, të Këshillit”, Këshilli bëri renditjen e kandidatëve duke listuar si të parën kandidaten Julinda Gjika.

Përmes Shkresës regjistruar me nr. 599/2, datë 17.07.2025, “Kërkesë për heqjen dorë për t’u transferuar nëpërmjet procedurës së lëvizjes paralele në Prokurorinë pranë Gjykatës së Shkallës së Parë të Juridiksionit të Përgjithshëm, sipas Vendimit nr. 27, datë 14.02.2025”, kandidatja e renditur e para, znj Julinda Gjika ka deklaruar se ka hequr dorë dhe se nuk ka më interes për të vijuar procedurën e mësipërme, për vendet vakante si vijon:Pozicioni vakant nr. 5, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan;..”
11. Në këto kushte u vlerësua e nevojshme të ndryshohet vendimi i mësipërm dhe të vijohet me renditjen e kandidatëve të tjerë në garë për pozicionin nr. 5, në zyrën e Prokurorisë Elbasan.

12. Me Vendimin nr. 197, datë 25.07.2025 *“Për ndryshimin e Vendimit nr. 128, datë 23.06.2025 “Për renditjen e kandidatëve të kualifikuar në procedurën e transferimit nëpërmjet lëvizjes paralele për pozicionin vakant nr. 5, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, të shpallur me Vendimin nr. 27, datë 14.02.2025, të Këshillit”, të ndryshuar”, Këshilli vendosi ndryshimin e vendimit në fjalë dhe renditjen të parin të kandidatit Olsi Vasiu.*

Kundër këtij vendimi nuk rezulton të jetë bërë ankim gjyqësor në Gjykatën Administrative të Apelit.

Megjithatë, përmes e-mailit datë 26.07.2025, *“Kërkesë për tërheqje nga kandidimi për vendet vakante të paraqitur me e-mail pranë Këshillit më datë 21.07.2025”, kandidati i renditur i pari, z. Olsi Vasiu ka dërguar një e-mail të nisur që në datë 21.07.2025, ku ka deklaruar ndër të tjera, se nuk ka interes për të vijuar procedurën e lëvizjes paralele për pozicionin nr. 5, në zyrën e Prokurorisë Elbasan.*

Bazuar në sa më sipër, renditja e kandidatit Olsi Vasiu si kandidat i parë për pozicionin vakant nr. 5, në zyrën e Prokurorisë Elbasan sipas vendimit të sipërm nuk ka më efekt ligjor.

13. Sa i takon kandidates në vijim, znj. Vasjana Postol, rezulton se me Vendimin nr. ____, datë __.01.2026, *“Për transferimin e prokurorit Vasjana Postol në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, nëpërmjet procedurës së lëvizjes paralele”, Këshilli vendosi transferimin e kandidates Vasjana Postol për pozicionin nr. 4, në zyrën e Prokurorisë Elbasan.*

14. Duke iu rikthyer pozicionit nr. 5, në zyrën e Prokurorisë Elbasan *(pas heqjes dorë nga gara të kandidatëve Julinda Gjika dhe Olsi Vasiu dhe transferimit në një pozicion tjetër të kandidates Vasjana Postol)*, me Vendimin tjetër nr. 199, datë 25.07.2025, *“Për transferimin e prokurorit Ajkuna Anxhaku në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, nëpërmjet procedurës së lëvizjes paralele”, Këshilli ka vendosur transferimin e prokurorit Ajkuna Anxhaku (e renditur sipas radhës në vendimet e mësipërme) në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, nëpërmjet procedurës së lëvizjes paralele.*

15. Për rrjedhojë, referuar renditjes së bërë në Vendimin nr. 197, datë 25.07.2025 *“Për ndryshimin e Vendimit nr. 128, datë 23.06.2025 “Për renditjen e kandidatëve të kualifikuar në procedurën e transferimit nëpërmjet lëvizjes paralele për pozicionin vakant nr. 5, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, të shpallur me Vendimin nr. 27, datë 14.02.2025, të Këshillit”, të ndryshuar”, cituar më sipër, e para rezulton kandidatja Jonida Allushi e cila plotëson kushtet për t’u transferuar në pozicionin nr. 5, në zyrën e Prokurorisë Elbasan.*

16. Për rrjedhojë, në përfundim të fazës së dytë të procedurës së transferimit nëpërmjet lëvizjes paralele, Komisioni vlerësoi se janë përmbushur kushtet ligjore për të vijuar me fazën e tretë, atë të transferimit nëpërmjet procedurës së lëvizjes paralele të

prokurorit Jonida Allushi në pozicionin nr. 5, në Prokurorinë pranë Gjykatës së Shkallës së Parë të Juridiksionit të Përgjithshëm Elbasan

17. Në nenin 45, pika 1, të Rregullores, parashikohet se:

“1. Jo më vonë se 7 ditë nga marrja formë të prerë sipas ligjit të vendimit për renditjen e kandidatëve në një procedurë lëvizje paralele mbi projektvendimin e përgatitur nga relatori, Këshilli merr vendim për transferimin në atë pozicion të lirë të kandidatit të renditur më lart.”

18. Bazuar në sa më sipër, Komisioni i Zhvillimit të Karrierës propozoi Këshillit, transferimin e prokurorit Jonida Allushi në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, nëpërmjet procedurës së lëvizjes paralele. Procedura në fjalë respekton parimin e deburokratizimit dhe efencës, faktit që ndaj vendimeve të mësipërme të renditjes së kandidatëve nuk janë paraqitur ankime gjyqësore si dhe nevojën për përballimin e ngarkesës dhe mbarëvajtjen e punës në zyrën e Prokurorisë Elbasan.

19. Sa i takon hyrjes në fuqi të aktit dhe krijimit të pasojave, në kuadër të mirëfunksionimit të sistemit të prokurorisë dhe kalimin në detyrë në mënyrë graduale, vlerësohet zbatimi i nenit 104, pika 3, të Kodit të Procedurave Administrative, ku përcaktohet se:

“1. Një akt administrativ fillon të sjellë pasoja juridike ndaj palës së cilës i drejtohet apo interesat e së cilës preken nga akti, me njoftimin e përmbajtjes së aktit palëve.

2. Akti administrativ i miratuar në heshtje fillon të sjellë pasoja juridike, në ditën e përfundimit të afatit për njoftimin e tij, sipas nenit 97 të këtij Kodi.

3. Një akt administrativ mund të fillojë të sjellë pasoja juridike në një datë tjetër, të caktuar shprehimisht nga vetë akti, por në asnjë rast përpara njoftimit të palës, sipas pikës 1 të këtij neni. Në këtë rast, data e fillimit të pasojave juridike caktohet shprehimisht në pjesën e dispozitivit të aktit administrativ të shkruar.

4. Një akt administrativ sjell pasoja juridike:

a) për sa kohë nuk është anuluar apo shfuqizuar, kryesisht apo si rezultat i ushtrimit të mjeteve ligjore administrative ose gjyqësore;

b) për sa kohë nuk ka përfunduar afati i aktit ose nuk është përmbushur qëllimi i tij; ose

c) për çfarëdo arsyeje tjetër të parashikuar nga ligji.”

20. Referuar sa më sipër, pasojat juridike të aktit administrativ dhe fillimi i ushtrimit të detyrës efektive në zyrën e prokurorisë pritëse, në kuadër të mirëfunksionimit të sistemit të prokurorisë, do të krijohen në një moment të dytë, konkretisht në datë 26.01.2026.

PËR KËTO ARSYE:

Bazuar në nenin 149/a, pika 1, germa “a”, të Kushtetutës, në nenet 42 dhe 43, të Ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë”, i ndryshuar, në nenet 164, pika 8, 166, pika 2, 189, pika 1, germa “a”, të Ligjit nr. 115/2016

“Për organet e qeverisjes së sistemit të drejtësisë”, i ndryshuar, në nenin 104, pika 3, të Ligjit nr. 44/2015, “Kodi i Procedurave Administrative të Republikës së Shqipërisë”, si dhe në nenin 45, të Vendimit nr. 261, datë 17.11.2020, “Për miratimin e Rregullores “Për transferimin e prokurorëve nëpërmjet procedurës së lëvizjes paralele”, e ndryshuar, me propozim të Komisionit të Zhvillimit të Karrierës, Këshilli i Lartë i Prokurorisë,

V E N D O S I:

1. Transferimin e prokurorit Jonida Allushi në Prokurorinë pranë Gjykatës së Shkallës së Parë të Juridiksionit të Përgjithshëm Elbasan, nëpërmjet lëvizjes paralele.
2. Marrëdhëniet financiare që lidhen me pagën dhe përfitimet e tjera do të përballohen nga Prokuroria pranë Gjykatës së Shkallës së Parë të Juridiksionit të Përgjithshëm Elbasan duke filluar nga data 26.01.2026.
3. Të njoftohen për këtë vendim Prokurori i Përgjithshëm, Prokuroria pranë Gjykatës së Shkallës së Parë të Juridiksionit të Përgjithshëm Fier, Prokuroria pranë Gjykatës së Shkallës së Parë të Juridiksionit të Përgjithshëm Elbasan dhe prokurori Jonida Allushi.
4. Ky vendim hyn në fuqi menjëherë dhe publikohet në faqen zyrtare të internetit të Këshillit.

U shpall në Tiranë, sot më 15.01.2026.

KËSHILLI I LARTË I PROKURORISË


KRYETAR
Mirela Bogdani


ANËTAR
Sokol Stojani


ANËTAR
Ledina Riza


ANËTAR
Olger Eminaj


ANËTAR
Zeqir Hoda


ANËTAR
Moisi Duda


ANËTAR
Erind Merkuri

ZV/KRYETAR
Erind Germenji


ANËTAR
Arta Mandro


ANËTAR
Vate Staka


ANËTAR
Erion Fejzulla